

BOSNA I HERCEGOVINA  
FEDERACIJA BOSNE I HERCEGOVINE  
PARLAMENT FEDERACIJE  
DOM NARODA  
Broj: 02-02-969/12  
Sarajevo, 24.7.2012. godine

**Z A P I S N I K**  
**9. VANREDNE SJEDNICE DOMA NARODA PARLAMENTA  
FEDERACIJE BIH, održane 20. i 24. jula 2012. godine**

Sjednica je počela u 10.33 sati.

Sjednici je predsjedavao Radoje Vidović, predsjedavajući Doma naroda Parlamenta Federacije BiH.

Na osnovu evidencije Stručne službe, predsjedavajući je konstatovao da sjednici prisustvuju 42 delegata, što čini većinu, te Dom naroda može raditi i punovažno odlučivati.

Predsjedavajući je zatim pozdravio delegate, predstavnike Vlade Federacije i predsjedavajućeg Predstavničkog doma Parlamenta Federacije Bosne i Hercegovine Fehima Škaljića.

Izostanak sa sjednice opravdala je Karolina Pavlović.

Predsjedavajući je, ispred Kolegija Doma naroda, predložio da se u dnevni red kao 3. tačka uvrsti Prijedlog Odluke o započinjanju procesa izbora članova Upravnog odbora Radio-televizije Federacije Bosne i Hercegovine.

Predsjednik Kluba delegata bošnjačkog naroda u Domu naroda Amir Zukić izrazio je negodovanje zato što je sjednica zakazana za prvi dan Ramazana i izrazio nadu da će se u budućnosti voditi računa da se sjednice zakazuju uz poštivanje vjerskih i nacionalnih prava i praznika. Također, izjavio je da je na sjednici Kolegija Doma naroda, održanoj prije sjednice Doma naroda, dogovoreno da se razmatra samo tačka dnevnog reda – Aktivnosti oko pokušaja razrješenja dužnosti predsjednika Federacije Bosne i Hercegovine Živka Budimira. Izjavio je da je informiran da se sjednica Kolegija, održana prije sjednice Doma naroda, neće održati i da nije bio pozvan na tu sjednicu. Zatražio je obrazloženje hitnosti za uvrštavanje tačke – Izbor i imenovanja - u dnevni red ove sjednice, te upitao kada će se nastaviti 11. sjednica Doma naroda. Izjavio je da je stav Kluba delegata bošnjačkog naroda da se na ovoj sjednici razmatra samo tačka - Aktivnosti oko pokušaja razrješenja dužnosti predsjednika Federacije Bosne i Hercegovine Živka Budimira - dok je protiv razmatranja tački – Izbor i

imenovanja i Prijedlog Odluke o započinjanju procesa izbora članova Upravnog odbora Radio-televizije Federacije Bosne i Hercegovine.

Jasenko Tufekčić je izjavio da se Klub delegata bošnjačkog naroda mora konsultovati prilikom zakazivanja sjednica Kolegija Doma naroda i da mora biti upoznat sa tačkama koje se predlažu za dnevni red sjednica Doma naroda.

Potom je Amir Zukić, predsjednik Kluba delegata bošnjačkog naroda, zatražio pauzu kako bi se Klub izjasnio o uvrštavanju tački - Izbor i imenovanja i Prijedlog Odluke o započinjanju procesa izbora članova Upravnog odbora Radio-televizije Federacije Bosne i Hercegovine - u dnevni red ove sjednice.

Nakon pauze, Amir Zukić je izjavio da je stav Kluba da se na današnjoj sjednici raspravlja o tački - Aktivnosti oko pokušaja razrješenja dužnosti predsjednika Federacije Bosne i Hercegovine Živka Budimira - kako je predloženo u pozivu za ovu sjednicu, dok bi se preostale tačke razmatrale na redovnim sjednicama.

Nakon toga Luka Faletar, predsjednik Kluba delegata hrvatskog naroda, zatražio je pauzu.

Nakon pauze, Luka Faletar je izjavio da je stav Kluba da se na današnjoj sjednici razmatraju tri tačke dnevnog reda - Prijedlog Odluke o podnošenju zahtjeva Ustavnom sudu Federacije Bosne i Hercegovine radi donošenja odluke o smjenjivanju predsjednika Federacije Bosne i Hercegovine Živka Budimira, Izbor i imenovanja i Prijedlog Odluke o započinjanju procesa izbora članova Upravnog odbora Radio-televizije Federacije Bosne i Hercegovine.

Nakon toga Mira Ljubijankić, predsjednica Kluba delegata srpskog naroda, zatražila je pauzu.

Nakon pauze, Mira Ljubijankić je, ispred Kluba, predložila da se današnja sjednica odgodi kako bi se delegatima koji obilježavaju početak Ramazana omogućilo obavljanje vjerskih dužnosti.

Amir Zukić se usprotivio odgodi sjednice.

U raspravi su učestvovali: Zahid Bašić, Predrag Kojović, Ivo Tadić, Jasenko Tufekčić i Damir Čardžić.

Nakon rasprave predsjedavajući je stavio na glasanje prijedloge klubova naroda.

Na osnovu rezultata glasanja, predsjedavajući je konstatovao da Dom naroda Parlamenta Federacije Bosne i Hercegovine, nije usvojio prijedlog Kluba delegata bošnjačkog naroda kojim je predloženo razmatranje tačke - Prijedlog Odluke o podnošenju zahtjeva Ustavnom sudu Federacije Bosne i Hercegovine radi donošenja odluke o smjenjivanju predsjednika Federacije Bosne i Hercegovine Živka Budimira - kao jedine tačke dnevnog reda ove sjednice jer je za glasalo 10 delegata, 18 delegata je bilo uzdržano, a 18 delegata je bilo protiv.

Na osnovu rezultata glasanja, predsjedavajući je konstatovao da Dom naroda Parlamenta Federacije Bosne i Hercegovine nije usvojio prijedlog Kluba delegata hrvatskog naroda kojim je predloženo razmatranje

tački - Prijedlog Odluke o podnošenju zahtjeva Ustavnom sudu Federacije Bosne i Hercegovine radi donošenja odluke o smjenjivanju predsjednika Federacije Bosne i Hercegovine Živka Budimira, Izbor i imenovanja i Prijedlog Odluke o započinjanju procesa izbora članova Upravnog odbora Radio-televizije Federacije Bosne i Hercegovine - kao tački dnevnog reda ove sjednice jer je za glasalo devet delegata, 29 delegata je bilo uzdržano, a 11 delegata je bilo protiv.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine, sa 33 glasa za, uz tri uzdržana glasa i uz pet glasova protiv, usvojio prijedlog Kluba delegata srpskog naroda kojim je predloženo odgađanje današnje sjednice.

Budući da je izražena sumnja u rezultate glasanja, pristupilo se poimeničnom glasanju koje je obavio Izmir Hadžić, sekretar Doma naroda Parlamenta Federacije Bosne i Hercegovine.

Na osnovu rezultata poimeničnog glasanja, predsjedavajući je konstatovao da je Dom naroda Parlamenta Federacije Bosne i Hercegovine, sa 33 glasa za, uz sedam uzdržanih glasova i uz 11 glasova protiv, usvojio prijedlog Kluba delegata srpskog naroda kojim je predloženo odgađanje današnje sjednice.

Potom je predsjedavajući prekinuo rad sjednice u 12.45.

### **NASTAVAK SJEDNICE od 24. jula 2012. godine**

Nastavak sjednice počeo je u 14.30.

Sjednici je predsjedavao Radoje Vidović, predsjedavajući Doma naroda Parlamenta Federacije Bosne i Hercegovine.

Na osnovu evidencije Stručne službe, predsjedavajući je konstatovao da sjednici prisustvuje 47 delegata, što čini većinu, te Dom naroda može raditi i punovažno odlučivati.

Izostanak sa sjednice opravdali su: Karolina Pavlović, Slobodan Tomić, Mukadesa Anadolac, Esed Radeljaš, Damir Čardžić, Esad Bašagić, Josip Perić i Elvira Abdić-Jelenović.

Predsjedavajući je zatim pozdravio delegate, predstavnike medija i goste.

Predsjedavajući je podsjetio delegate da je sjednica prekinuta na prijedlog Kluba delegata srpskog naroda Doma naroda Parlamenta Federacije Bosne i Hercegovine.

Zijat Mušić je, ispred Kluba delegata bošnjačkog naroda, predložio da Dom naroda Parlamenta Federacije Bosne i Hercegovine donese zaključak kojim bi se obavezala Vlada Federacije Bosne i Hercegovine da

osigura sredstva za nabavku dva kanadera kako bi se što prije ugasio požar u Hercegovini.

Predsjednik Kluba delegata hrvatskog naroda Luka Faletar zatražio je da se sastane Kolegij Doma naroda kako bi se izvršilo usaglašavanje u vezi sa dnevnim redom.

Nakon sjednice Kolegija, predsjedavajući je obavijestio delegate da Kolegij predlaže da Dom naroda Parlamenta Federacije Bosne i Hercegovine usvoji dnevni red koji je pročitao i, na osnovu rezultata glasanja, konstatovao da je Dom naroda Parlamenta Federacije Bosne i Hercegovine, sa 44 glasa za i uz jedan uzdržani glas, usvojio sljedeći:

## D N E V N I R E D

1. Prijedlog Odluke o podnošenju zahtjeva Ustavnom sudu Federacije Bosne i Hercegovine radi donošenja odluke o smjenjivanju predsjednika Federacije Bosne i Hercegovine Živka Budimira,
2. Prijedlog Zaključka kojim se zadužuje Vlada Federacije Bosne i Hercegovine da razmotri mogućnost kupovine kanadera i zračnih traktora za gašenje požara (predlagač: Klub delegata bošnjačkog naroda u Domu naroda),
3. Prijedlog Odluke o raspisivanju javnog konkursa za imenovanje tri člana Upravnog odbora Radio-televizije Federacije Bosne i Hercegovine,
4. Izbor i imenovanja.

### **1. Prijedlog Odluke o podnošenju zahtjeva Ustavnom sudu Federacije Bosne i Hercegovine radi donošenja odluke o smjenjivanju predsjednika Federacije Bosne i Hercegovine Živka Budimira**

Predsjednik Kluba delegata hrvatskog naroda Luka Faletar obrazložio je zahtjev.

U raspravi su učestvovali: Predrag Kojović, predsjednik Kluba delegata bošnjačkog naroda Amir Zukić, Hanka Vajzović, Dževad Rađo, Ivo Tadić, Jasenko Tufekčić, Zoran Jovanović, Aner Žuljević, Zahid Bašić, Amel Hadžiabdić, Zijat Mušić, Tomislav Martinović, predsjednica Kluba delegata srpskog naroda Mira Ljubijankić i Hajrudin Bećirović.

Zoran Jovanović je u raspravi predložio da se u Prijedlogu Odluke o podnošenju zahtjeva Ustavnom sudu Federacije Bosne i Hercegovine radi donošenja odluke o smjenjivanju predsjednika Federacije Bosne i Hercegovine Živka Budimira izvrši promjena u preambuli odluke tako što bi se odluka umjesto prema članu 122. Poslovnika o radu Doma naroda Parlamenta Federacije Bosne i Hercegovine donijela na osnovu člana 110. Poslovnika o radu Doma naroda Parlamenta Federacije Bosne i Hercegovine i da se izvrši dopuna u članu 2. ove odluke koji bi sada glasio:

“Zadužuje se predsjedavajući Doma naroda Parlamenta Federacije Bosne i Hercegovine da pripremi i uputi obrazloženi zahtjev Ustavnom sudu Federacije Bosne i Hercegovine u skladu sa tačkom I. Odluke, članom 122. Poslovnika o radu Doma naroda Parlamenta Federacije Bosne i Hercegovine i Poglavljem IV.B.1.3.(1) Ustava Federacije Bosne i Hercegovine.”

Predsjednica Kluba delegata srpskog naroda Mira Ljubijankić je izjavila da Klub prihvaća ovakav prijedlog Zorana Jovanovića.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine, sa 36 glasova za, uz sedam glasova protiv i uz tri uzdržana glasa, donio sljedeću Odluku:

Na osnovu člana 110. Poslovnika o radu Doma naroda Parlamenta Federacije Bosne i Hercegovine Dom naroda Parlamenta Federacije Bosne i Hercegovine na nastavku 9. vanredne sjednice, održane 24. jula 2012. godine, donio je

## **O D L U K U**

### **O PODNOŠENJU ZAHTJEVA USTAVNOM SUDU FEDERACIJE BOSNE I HERCEGOVINE RADI DONOŠENJA ODLUKE O SMJENJIVANJU PREDSJEDNIKA FEDERACIJE BOSNE I HERCEGOVINE**

#### **I.**

Dom naroda Parlamenta Federacije Bosne i Hercegovine donosi Odluku o podnošenju zahtjeva Ustavnom sudu Federacije Bosne i Hercegovine radi donošenja odluke o smjenjivanju predsjednika Federacije Bosne i Hercegovine gospodina Živka Budimira zbog nedostojnosti vršenja dužnosti predsjednika Federacije Bosne i Hercegovine.

#### **II.**

Zadužuje se predsjedavajući Doma naroda Parlamenta Federacije Bosne i Hercegovine da pripremi i uputi obrazložen zahtjev Ustavnom sudu Federacije Bosne i Hercegovine u skladu sa tačkom I. ove odluke, članom 122. Poslovnika o radu Doma naroda Parlamenta Federacije Bosne i Hercegovine i Poglavljem IV.B.1.3.(1) Ustava Federacije Bosne i Hercegovine.

Zoran Jovanović izjavio je da se prema članu 110. Poslovnika o radu Doma naroda Parlamenta Federacije Bosne i Hercegovine odluke donose natpolovičnom većinom delegata.

Amir Zukić postavio je pitanje sekretaru Doma naroda - kako radi Dom naroda i kako donosi odluke.

Izmir Hadživadić, sekretar Doma naroda Parlamenta Federacije Bosne i Hercegovine, izjavio je da je, prema njegovom mišljenju, za donošenje odluke o podnošenju zahtjeva Ustavnom sudu Federacije Bosne i Hercegovine radi donošenja odluke o smjenjivanju predsjednika Federacije prema članu 122. Poslovnika o radu Doma naroda potrebna 2/3 većina glasova delegata u Domu naroda Parlamenta Federacije Bosne i Hercegovine.

Predrag Kojović zatražio je da mu se predoči zahtjev sa potpisima 39 delegata Doma naroda Parlamenta Federacije Bosne i Hercegovine kojim se traži smjena predsjednika Federacije Bosne i Hercegovine Živka Budimira.

Nakon toga prešlo se na rad po 2. tački dnevnog reda.

## **2. Prijedlog Zaključka kojim se zadužuje Vlada Federacije Bosne i Hercegovine da razmotri mogućnost kupovine kanadera i zračnih traktora za gašenje požara**

Predlagač zaključka je Klub delegata bošnjačkog naroda u Domu naroda Parlamenta Federacije Bosne i Hercegovine.

Prijedlog zaključka obrazložio je Zijat Mušić.

U raspravi su učestvovali: Aner Žuljević, Amir Zukić, Zijat Mušić, Ivo Tadić, Zoran Jovanović, Sretko Radišić, Zahid Bašić, Hajrudin Bećirović i Mira Ljubijankić.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine, sa 38 glasova za i uz jedan glas protiv, usvojio sljedeći:

### **ZAKLJUČAK**

1. Zaduguje se Vlada Federacije Bosne i Hercegovine da u narednom periodu planira kupovinu odgovarajućih sredstava za gašenje požara a prije svega kanadera ili zračnih traktora.
2. Zaduguje se Vlada Federacije Bosne i Hercegovine da u skladu sa finansijskim mogućnostima osigura odgovarajuću pomoć vatrogasnim jedinicama kojima je to u ovom trenutku najneophodnije, odnosno čija su područja najugroženija požarima.

### **3. Prijedlog Odluke o raspisivanju javnog konkursa za imenovanje tri člana Upravnog odbora Radio-televizije Federacije Bosne i Hercegovine**

Na osnovu člana 25. Zakona o Javnom servisu Radio-televizije Federacije Bosne i Hercegovine ("Službene novine Federacije BiH", br. 48/08) propisano je da Parlament Federacije Bosne i Hercegovine imenuje članove Upravnog odbora Radio-televizije Federacije Bosne i Hercegovine sa rangliste kandidata koji su ušli u uži izbor, a koju mu dostavljaju komisije za izbor i imenovanja oba doma Parlamenta Federacije Bosne i Hercegovine u roku od 30 dana od njenog dostavljanja.

Predstavnički dom je na 17. sjednici, održanoj 24. jula 2012. godine donio Odluku o raspisivanju javnog konkursa za imenovanje tri člana Upravnog odbora Radio-televizije Federacije Bosne i Hercegovine.

U raspravi su učestvovali Mustafa Kurtović i Almedin Aliefendić koji je predložio da se u Prijedlogu Odluke doda III. tačka kojom bi se stavila van snage Odluka o imenovanju privremenih članova Upravnog odbora Radio-televizije Federacije Bosne i Hercegovine koju je donio Dom naroda na 8. vanrednoj sjednici.

Na osnovu rezultata glasanja, predsjedavajući je konstatovao da Dom naroda Parlamenta Federacije Bosne i Hercegovine nije prihvatio prijedlog Almedina Aliefendića jer je za glasalo šest delegata, četiri delegata su bila uzdržana, a 27 delegata je bilo protiv.

Nakon toga se glasalo o Prijedlogu Odluke.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine, sa 32 glasa za, uz jedan uzdržani glas i uz šest glasova protiv, donio:

## **ODLUKU**

### **O RASPISIVANJU JAVNOG KONKURSA ZA IMENOVANJE TRI ČLANA UPRAVNOG ODBORA RADIO-TELEVIZIJE FEDERACIJE BOSNE I HERCEGOVINE**

#### **I.**

Raspisuje se Javni konkurs za imenovanje tri člana Upravnog odbora Radio-televizije Federacije Bosne i Hercegovine.

Javni konkurs na objavljivanje uputit će predsjedavajući oba doma Parlamenta Federacije Bosne i Hercegovine.

#### **II.**

Postupak utvrđivanja rangliste kandidata koji uđu u uži izbor za članove Upravnog odbora provest će komisije za izbor i imenovanja oba doma Parlamenta Federacije Bosne i Hercegovine na način i prema

postupku reguliranim članom 25. Zakona o Javnom servisu Radio-televizije Federacije Bosne i Hercegovine („Službene novine Federacije BiH“, br. 48/08).

### III.

Ova odluka stupa na snagu danom donošenja, a objavit će se u “Službenim novinama Federacije BiH”.

#### 4. Izbor i imenovanja

- **Prijedlog Odluke o izmjenama Odluke o izboru predsjednika, zamjenika predsjednika i članova Administrativne komisije Doma naroda Parlamenta Federacije Bosne i Hercegovine**

Luka Faletar, predsjednik Kluba delegata hrvatskog naroda, obavijestio je Dom naroda da je Klub delegata hrvatskog naroda na sjednici od 20. jula 2012. godine podnio prijedlog za izmjenu Odluke o izboru predsjednika, zamjenika predsjednika i članova Administrativne komisije Doma naroda Parlamenta Federacije Bosne i Hercegovine kojim bi se za predsjednika Komisije umjesto Karoline Pavlović izabrao Radoje Vidović, a za člana Tomislav Martinović umjesto Josipa Perića.

Predsjedavajući je potom dao pauzu u kojoj se sastala Komisija za izbor i imenovanja Doma naroda kako bi razmotrila ovaj prijedlog.

Nakon pauze, Stipo Pelivan, zamjenik predsjednika Komisije za izbor i imenovanja, obrazložio je Izvještaj Komisije.

U raspravi nije niko učestvovao.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine jednoglasno (36 glasova za) donio Odluku o izmjeni Odluke o izboru predsjednika, zamjenika predsjednika i članova Administrativne komisije Doma naroda Parlamenta Federacije Bosne i Hercegovine, kojom je za predsjednika Komisije izabran Radoje Vidović umjesto Karoline Pavlović a za člana Tomislav Martinović umjesto Josipa Perića.

Sjednica je završena u 17.20.

\* \* \*

Transkript sjednice čini sastavni dio Zapisnika.

SEKRETAR

Izmir Hadžić

PREDSJEDAVALAČI

Radoje Vidović